

Исломдан олдинги даврда аёл кишининг мероси



15:45 / 05 февраль 1374

Олам узра Ислом қуёши порлашидан олдин аёл киши жанг қила олмайди, оила шаънини ҳимоя қила олмайди, деган баҳоналар билан унга меросдан ҳеч нарса берилмас эди. Араблар: **«От мина олмайдиган, қилич кўтара олмайдиган, душман билан жанг қила олмайдиган кимсага нима учун мол-мулк берамиз?!»** дейишар, ёш болаларни меросдан маҳрум қилганларидек, аёл кишиларни ҳам меросдан мосуво қилишар эди.

Инсофли тадқиқотчиларга маълумки, Ислом шариати жорий қилингунга қадар араблар аёлларга зулм қилишар, уларга эри ёки отасидан қолган меросдан ҳеч нарса беришмас эди. Бағрикенг шариат эса юқорида келтирилган ояти карималар билан аёллар учун меросдан ҳақ ажратди. Аёллар бу ҳақни иззат-ҳурмат билан оладиган бўлдилар. Бирор киши бу хусусда уларга миннат қила олмайдиган бўлди. Зеро, аёлларга мерос бериш фақат яхшилик ёки меҳрибонликкина эмас, балки Аллоҳ томонидан фарз қилинган буйруқдир.

Мерос оятлари нозил бўлганда бу ҳукмлар арабларга келди. Улар ушбу ҳукмнинг насх қилинишини иташди, чунки аёл кишига мерос бериш уларнинг урф-одатларига, нафсларига тўғри келмас эди.

هُلَّلَا ضَرَفَ يَتَّالِ ضَائِرْفَلَا تَلَزَنَ أَمَلٌ: هُنَّ عُلُوكُ لَلِ يَضْرِبُ سَابِعَ نَبَا نَعْرِ رَجُ نَبَا يَوْرَ
يَطْعُتْ: أُولَاقُو سَانِ لَلِ ضَعَبَ آهَرَكَ، نِيَّوَبَّالِ أَوْ يَتَّالِ دَلَّوَلِ لَ ضَرَفَ أَمَ آهِي فِ
نَمَسَّيَلِ وَرِيَّعِ صِلَا مَالُغَلِ يَطْعُيْ وَفَصَّيَلَا نَبَالِ يَطْعُتْ وَنُمُثَلَا أَوْ غَبُّرَلَا أَرْمَلَا
لُوسَرَّ لَعَلَّ يَتَّيَدَّحَلَا آدَهْ نَعِ أُوْتُكُ سَا! آةَمَّيَنَعَلَا زُوْحَيِ الْوِ، مَوْوَقَلَا لَتَاقُيْ دَحَّ أَلَّوْهْ
آي: مُمُضَعَبَ لَاقَافِ... هُورَّيَّغَيَّ فُ هَلْ لُوقُنْ وَأُ، هَاسَنَيِ مَّسَّوِ هَلَّعُ هَلَلَا يَلَّصَّ هَلَلَا
فَصَّنَّ هَرَّاجَلَا يَطْعُنَّ أَلَّيَّ شَ يَنَعُيْ سَيَلِ وَتَارِي مَلَّيَّ بَّصَلَا يَطْعُنَّ هَلَلَا لُوسَرَّ
مَوْوَقَلَا لَتَاقُتْ الْوَسَرَفَلَا بَكَّرَتْ تَسَّيَلِ وَ، آهْوَبَّ أَلَّكَرَتْ أَمَ

Ибн Жарир Ибн Аббос розияллоҳу анҳумодан ривоят қилади:

«Аллоҳ таоло ўғил ва қиз ҳамда ота-она учун (улуш) фарз қилган мерос оятларини нозил қилганида баъзилар буни ёқтирмай, **«Аёлга тўртдан бир, саккиздан бир, қизга ярим ва гўдак болага ҳам улуш бериладими?! Буларнинг бирортаси душманга қарши жанг қила олмаса, ўлжага эга бўла олмаса! Бу гапни қўйинглар. Балки Аллоҳнинг Расули уни эсдан чиқарар? Ёки ўзимиз у зотдан бу ишни ўзгартиришни сўрайлик»**, дейишди.

Шунда баъзилар **«Эй Аллоҳнинг Расули! Гўдакка ҳам мерос берамизми, унинг қўлидан ҳеч нарса келмайди-ку? Қиз болага отасидан қолган нарсанинг ярмини берамизми? Ахир у от мина олмаса, душманга қарши жанг қила олмаса?» дейишди»** (Тобарий тафсиридан).

Аммо Исломнинг аёлларга муносабати бошқача бўлди. Ислом аёлнинг елкасидан зулмни кўтариб, уларга нисбатан адолатсизликни даф қилди. Олдин мерос олмайдиган аёлга мерос ажратди. Эркаклардан баъзилари ёқтирмаса-да, унинг учун фарз қилинган улуш белгилади. Лекин ушбу даврда хатарли авлод етишиб чиқиб, (уларда) нотўғри ва ёмон фикрлар зоҳир бўлди. Улар: **«Ислом мерос борасида аёл кишининг ҳаққини топтади, унга бир эркак улушининг ярмини берди!»** деб, ўзларича меросда аёлни эркакка тенглаштириб, ундан зулмни даф қилмоқчи бўлишди. Улар одамлар орасидаги тулкилар бўлиб, аёлга нисбатан макр ишлатиб уни ислом таълимотларига исён қилиши ва эркак билан тенгликни талаб қилиши учун йўлдан уришга уриняптилар. Лекин ажабланарли томони шундаки, аёлларга ачиниб йиғлаётган ёки ўзини йиғлаган қилиб кўрсатаётган ушбу расволарнинг ўзлари аёлга бир луқма таом беришга қурумсоқлик қилиб, унинг нафақасига бахиллик қилишади.

Аёл киши пул топиб, ўша тўплаган молидан ўзига ўзи нафақа қилиши учун уни фабрика, дўкон ва идораларга чиқишга мажбурлашади. Улар аёлга эътибор қаратмайдиган ғарбликларнинг шогирдлари, уларнинг ёлғон маданиятига алданганлардир. Уларнинг нияти – аёлдан фақат шаҳват ва нафс йўлида фойдаланиш холос. Бундайлар аёлни таъминлашга келганда зиқналик қилишади, ҳатто аёлнинг ўз мулкидан тасарруф қилиш эркини тортиб олиб, ундан фақат эркакнинг рухсати билангина фойдаланишга рухсат беришади. Аёлни ўзи учун ўзи ишлаб, пул топишга буюришади. Бу йўлда заифанинг шаънига, номусига тўғри келмайдиган ишларга ҳам рўбарў қилаверишади. Шунча расволикнинг устига яна «Дин аёлларга зулм қилади, шариат аёлнинг ҳаққини поймол қилади», деб даъво қилишади!

Эй динга таъна отаётганлар! Агар ростдан ҳам инсофли бўлсангиз, ўзингиз аёлларга инсоф қилинглар, уларни Исломи «зулм»идан озод қилишдан олдин ўзингизнинг зулми ва туғёнларингиздан озод қилинглар!

«Исломи шариатида мерос илми» китобидан

Ушбу китоб Ўзбекистон Республикаси Дин ишлари бўйича қўмитанинг 2021 йил 24 августдаги 03-07/5163-рақамли ҳамда 2022 йил 27 сентябрдаги 03-07/7348-рақамли хулосалари асосида тайёрланган.